


天文管窺輯要

四十之二



			九	漢
		六	六	書
	七	三	九	門
二	四	二	九	
冊	架	函	號	類

庫文閣內			
三〇五函		九六三六	漢
二二架	二四	抵	書

內閣文庫			
番號	漢	9629	
冊數	24 (14)		
函號	305	261	



管窺輯要卷之四十

臣書

安黃

鼎玉耳父纂定

淺草文庫

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全闕



卷之四十一
二
巫天苑十六星在昴畢南中多小星則畜蕃息旁
有六星曰蕪藁爲兵糧牛馬之食天陰五星王密
謀明則禁言漏洩月一星在昴東明則女主專政
礪石四星明則兵起天河一星在昴西動則國有
妖

昴宿說

昴七星宋志距西南星去極七十度赤道十一度
三十分黃道十一度八分其下十五尺爲七曜中
道天之耳也王刑獄天道秋爲殺地道西爲金皆

所以裁物之過也人之事蠻夷猾夏寇賊姦宄者
則征之小則加以刑大則加以兵故兵刑皆列象
西方張衡云明則獄訟平暗則刑罰濫六星皆明
與大星等則有白衣會或大水動搖則大臣下獄
彗出亦然七星皆明大而動若跳躍者兵大起明
而黃亦主兵一星不見主兵喪日食則趙魏有兵
金守之石氏曰兵從門闕入人走郗萌曰不有謀
國必有謀王者金入有兵或有赦火入之及土
星同留守主憂客星出則六十日遣使北伐又爲

管窺輯要 卷之四十一
旄頭以其稟肅殺之氣也胡星也天子出則旄頭
四星於畢以前驅此其義也崔浩曰比年月行掩
昴其占三年天子大破旄頭之國按石申占月掩
昴胡王死又月行昴北天下福月犯之胡將軍死
胡人雖僭號而強弱常占昴不關太微紫微也昔
五胡亂華專以此候禍福而三垣皆不應可以知
正統之在晉矣又兌爲口舌而其屬有卷舌星故
多王獄訟史記昴謂之留留者言陽氣之稽留也
索隱曰留昴也毛詩傳亦留爲昴也詩云嘒彼小

星維參與昴朱子註云以爲協韻力求切是亦讀
作留矣蕭何應昴星而誕生
卷舌六星在昴北入河中讒佞之臣其氏曰主口
舌奏對若明大則君無佞臣天下安和暗小則佞
臣被誅動搖則君信讒殺忠良張衡云主樞機曲
而靜則賢人用直而動則讒人得志移出漢外天
下多妖言傍星多則冤死者衆
天讒一言主讒佞者在卷舌內亦主巫醫與房
宿之從官同占明大則巫人構亂

礪石四星在五車北主磨礪鋒刃明則大兵起如
 常則吉金火及客星守之主兵動亦主巫醫與
 天河一黑星濁河之精發源崑崙之象故列在西
 不見則陰陽不和一作天阿主察山林妖變步天
 歌在昴西或悞作昴東
 月一黑星近黃道步天歌在昴東或悞作昴西近
 黃道主女人災福占大而明則女主擅權又為夫
 臣執政月者眾陰之宗也為兔四足為蟾三足鬼
 在月中為蟾蜍之精為星以司太陰之行度月生

於西故在是焉日精在氐房間月精在昴畢間自
 司其行度而氐房昴畢乃黃道之所經不得而司
 之

太陰五星在畢柄西主女后之德明則禁言漏泄
 暗則吉一作天陰主從天子弋獵之臣預謀者也
 天苑十六星在昴南狀如環天子之苑囿養禽獸
 之所也明則馬牛羊盈暗則瘦死雪心賦作十七
 星傳寫之悞耳
 芻藁六星步天歌作太陰之下乃天苑之西一作

芻藁營聚芻之所是周禮委人之職萬物成於秋故於此爲備苑以供牛馬之食明盛則歲豐穰星希則歉張衡云不見則牛羊暴死火守則有火災一曰天積天子之藏府也史記云胃爲天倉其南衆星曰膾積如淳曰芻藁積爲膾也

昴宿主胡王喪獄度十一度三十分外五尺爲黃道餘見昴宿下

昴宿歌

七星一聚實不少河西月東各一星河下五黃天

陰名陰下六烏芻藁營營南十六天苑形河中六星名卷舌舌中黑點天讒星礪石舌傍斜四丁

昴宿考

昴七星天之耳也主西方又主獄事主口舌奏對又爲旄頭又爲白衣聚又曰胡聚胡星也

卷舌六星在昴北河中主樞機知佞讒○天讒一星在卷舌中○天河一星在胃東昴西北主察山林妖變○月一星在昴東天街西主太陰女主臣下之象○天陰五星在畢柄西主弋獵從天子之

臣○蕩藁六星在天苑西主積草供牛馬之食○
 天苑十六星如圈狀在昴畢南天子養禽獸之園
 苑○礪石四星在卷舌東五車西主磨礪鋒刃
 昴七星一曰旄頭胡星也為天之耳主兵喪口舌
 奏對獄事經曰主弋獵不知何據明大君無佞臣
 暗小佞臣誅搖動則信讒殺賢又云明則獄訟平
 六星與大星等水災大而盡動若跳躍之狀胡大
 起一星不見血流千里火星守天子秋不利書日
 短星昴

月星一星在昴東太陰之精黃道之所經也月陰
 精為兔兔四足兔在月中而其精為星以司太陰
 之度月生於西故在昴畢之間天陰五星在昴西
 經曰天陰進謀於腹
 天阿一星在昴西北經曰天阿察乎山林○卷舌
 六星在昴北主寂然靜則賢人用動搖讒人仁壽
 漢多妄言○天讒一星在卷舌之內主讒害忠良
 礪石四星在昴之東北月之上主磨礪鋒刃明動
 兵起○蕩藁六星在天陰西南主納結牧牛馬之

物也明吉○天苑十六星在昴南主天上蓄異禽之事經曰天苑圓開而蓄異明則多滋牲暗則牛馬死

昴宿昴七星十一度距昴西南星去極七十三度在黃道內四度少水星也春夏爲火秋冬爲木爲天之耳目在西方爲獄訟事又旄頭胡星也畢昴間爲天街一名天路天子出旄頭罕畢以前驅此其義也黃道之所經七曜之所遊昴星不欲明明則天下受誅罰胡兵多死星皆明與大星等有大

水七星色黃兵大起一星亡爲兵喪動搖有大臣下獄及白衣之會大而數盡勘跳躍者胡兵大起○日月食昴中邊兵起其地大殃○月入昴中大臣憂家國破國兵伐四夷○木守之人饑米貴君有德令王者急於刑罰久守有白衣會○火守之有赦不出三十日兵起旱米貴○土守之后失勢若畱一年大將軍出三年止西北流血○金守之胡兵大起天下流血將軍下獄匈奴大亂○水守之執法之官受誅久守水災兵起○客守之臣稱

王命中國必憂不出一百八十日金犯入昴中大將軍必死天下亂匈奴有亂○彗孛行犯之大臣亂月暈昴天下亂匈奴有亂○彗孛行犯之大臣亂國伏誅近期一年遠千日○月始生昴南向粟賤陽國必兵利宜北伐若向北粟貴陰國兵起○月行昴北有赤白雲氣緣月兵入北狄得地赤白雲不緣月兵入死不出三年

昴宿總敘

昴七星曰旄頭一曰天器一曰天獄一曰天厨一

曰天路水星也昴爲天耳日又爲白衣聚又曰胡聚胡星也主兵喪口舌奏對主獄事其下九尺爲日月五星中道二星爲天街陰陽之所分昴大星欲其明明則獄訟平國無佞臣天下安不明則刑罰濫佞臣得君天下凶其六星不欲明明則天下受誅罰邊兵多死星動則大臣下獄天子信讒殺害忠良亦爲白衣會聚明而數動則用兵火起其大星動若跳躍而他皆不動則胡欲侵邊期一年不出三年一星不見爲兵喪六星皆明與火星等

則天下大水七星皆明而貫則兵大起

大星日月變異占

占者不恒用也

日在昴食邊兵起其分有殃感精符曰王宗謀國
同姓自害石氏曰星者有疾臣厄囹圄者解甘氏
曰主獄之臣有亂天子臣者武氏曰大臣下獄有
兵亂天子走○日暈於昴陰國失地胡王死趙地
凶一曰胡大饑國亂

門戶之臣有事諸侯有出者一曰貴臣誅女主憂
乙巳占曰大臣誅謀貴女失勢有白衣會獄訟煩
苛武氏曰將軍死胡不安○月暈於昴黃帝占曰
天下大饑北夷爲亂荊州占曰其國主死一曰貴
人多死有兵暴命有流言者又曰不出其年天下
有變又曰大水五穀不收人離其鄉多病股疾一
曰畜多亂巫咸曰人食絕兔多死京房曰兵九月
十二月十三日暈昴畢及五東大赦郗萌日月暈
昴以甲午乙未及戊巳日必赦甲午乙未期三年

日戊乙期六年十日○月暈昴三重不出五十日
有赦○月一歲三暈未年大赦弓弩貴郝萌曰一
歲一暈小赦再暈中赦三暈大赦不出期年○月
在昴有變黃帝占曰軍在外絕食郝萌曰國有喪
一因水饑流乙巳占曰有白衣會貴臣憂獄訟煩
苛無辜獲罪民離其鄉○月行一歲不出昴間旱
來年有兵○月初生昴宿南向粟賤陽國兵利利
用北伐北向粟貴陰國兵強不可伐

月五星干犯占

月犯昴胡王死天子破匈奴不出五年一日有白
衣會一日其分民離散郝萌曰國憂將軍死一日
有暴兵起○月分犯昴北有白雲緣月兵入匈奴
得地赤白雲不緣月兵入不得地乙巳占曰犯昴
貴臣有憂獄訟煩苛無辜獲罪○月乘昴天下洪
峻水滿野不岑收黃帝占曰貴人有憂○月行觸
昴匈奴大憂一日匈奴受兵○月入昴中大臣憂
有破家胡王死一日理獄官凶一日有赦一日軍
在外絕食一日大臣匿其罪○月食昴胡王死國

受兵石氏曰貴臣誅貴女失勢一日天下饑一日
有赦趙地受兵國大傷○月出昴北石氏曰天下
有喜胡王死

歲星守昴米貴人饑甘氏曰昴者天之囚室○歲
星守之下獄之臣皆有解不出四十日○歲星守
昴大旱萬物不成多水災郝萌曰夷狄勝其氏曰
王者失禮陷人於刑宜赦以解之石氏曰王者以
刑罰急久守之有白衣會棺木貴關津變憂天下
大饑國奪地○木守昴東穀大貴守其北歲中有

德令○木守昴東刀劍貴守其南米一貴一賤一
曰土工興有變政守其北有別離之國奪地之君
西不占○木入昴胡兵入國有土工有赦郝萌曰
天下有白衣聚西官候曰金寶貴○木入昴而守
之天下獄空○木中犯乘凌昴大臣有坐法死者
關津吏憂人食草木郝萌曰天子伐胡兵一日近
臣爲亂巫咸曰有水災萬物不成○木乘犯守昴
其北胡王陰國憂○木守昴東行至天高復及至
五車邊兵起大赦○木之昴棺木大貴○木居昴

間色赤大旱其國有大殃○木舍昴居其南男子
病歲早晚水居其北多暴雨居其東有徙民一曰
居其南土工興民多口舌一曰舍昴南有死君○
木逆行昴人君多殺不辜○木出入留舍昴其年
早霜齊伯占曰胡人以用兵耗其國國空無兵米
豆布帛貴留之五十日不下郝萌曰有死將期四
月有死君期三年一曰有破軍死將居其東金鐵
貴居其南有土工西米貴居其北陰國憂○木守
昴去而後有兵發有赦

熒惑守昴有赦不出三十日兵起有旱有無罪而
誅者守之九十日穀大貴河圖聖洽曰政令苛擾
民苦其誅天下愁怨不出六月大怪一曰天下多
獄水旱不時巫咸曰四夷兵起天下多火災萬物
不成人多病死海中占曰胡不寧多病死郝萌曰
大臣爲亂天下謀主大將反將帥有內亂又曰地
裂山崩人流亡西官候曰兔多死春三月旱牛馬
多死一曰大將出土卒病有流血一曰有急令道
不通大在陽爲中國在陰爲胡一曰貴人多死趙

魏有兵荊州占曰木守昴東齊吳負兵守南荆越
負兵守西秦鄭負兵守北燕趙負兵昴周宗負兵
黃帝占曰火春守昴其夏旱夏守秋旱秋守冬旱
冬守來春旱郗萌曰火夏守昴秋米貴○火犯昴
而守之胡人疾病一日獄訟疑囚有赦○火守昴
環繞成勾已有赦○火犯昴若胡人聚中國匈奴
大出四夷兵起國有憂○火入昴天子有急令一
日國貴人多戮死有大兵大旱大飢○火入昴天
下不安兵起有兵四月五月大赦近期十五日遠
期三十日赦又曰不可爲客○火入昴已去之復
還守之有臣爲天子破匈奴者期三年○火留昴
牛馬多疾郗萌曰王典吏多奸者○火舍昴甘氏
曰天下多賊郗萌曰多賊斂○火出入留舍昴有
兵巫咸曰火出留舍昴赤色而光明犯之以行胡
人爲亂不出三月兵起在其西八百里○火行昴
畢間而留守之三十日不出春秋谷誠圖曰馬躍
冥走辟凶相續婦子哀哭無所抵屬民食不足行
道相捨○火久守犯乘昴天子用兵伐胡天下騷

動
鎮星守昴女主失勢若守之一年不出將軍出征
三年乃止出流血西北石氏曰天下民大貧又多
疾病一日天下旱多火災有土工巫咸曰萬物不
成武氏曰天下飢○土入昴胡人爲亂胡王死兵
起不出一年乙巳占曰將軍出師有大戰兵起東
北○土入昴中郝萌曰地動水溢趙地有兵一日
廟壞○土逆行入昴女主飲食過度一日飲食過
傷○土逆行昴胡王死陰國凶○土出入留舍昴
胡人爲亂有土工民疫兵大出○土逆行昴女主
干政○土中犯乘凌昴天下有喜一日中國吉陰
國凶天子用兵於胡一日爲白衣之會乘其北胡
國亡出其北爲陰爲憂○土出昴而守兵起東方
○土入昴而犯守之居其南男子多死居其北有
女喪居其東六畜死居其西兵起國有憂
太白犯昴陳氏曰兵起入其中旱大將死一日大
熱○太白守昴兵大起天下血流將軍下獄匈奴
尤甚一日兵從關門入主人出之郝萌曰不有亡

國必有謀王者甘氏曰又守陰國凶胡可伐○太白守昴天子有事於四夷元命包曰國政絕甘氏曰有更令若有大赦期百八十日巫咸曰國易政大人當之海中占曰將軍有聚衆石氏曰胡兵入若守其北西北夷有毒霜旱歲降歲有疾厲一曰胡不安期六十日有來降○太白入昴石氏曰天下憂兵大起鄒萌曰有大赦○金星行疾其行遲期玉曆曰大憂國易政血流千里主命者惡之期不出一年一曰趙地受兵○太白入昴去期犯胡

壬死○太白之昴行其北陰國凶○太白舍昴黃帝占曰留之四五日不出大臣有死者○太白出昴一尺賤人貴○太白出入留舍昴在其北有女喪在其南有男喪黃帝占曰大臣憂兵起○太白逆行守昴天下擾擾多獄事一曰大臣有獄死者一曰大兵起流血千里○太白與昴鬪不出一年有反臣○太白中犯乘昴天子兵起伐胡一曰臣有謀國易政○金在昴北胡王死胡人大敗在東六畜傷星芒角兵起大戰破軍殺將一曰人多病

○太白入昴胡人憂趙地受兵其國大傷○太白晝見於昴邊兵大起

辰星中犯乘昴石氏曰有亡國有謀主者若行其北西北夷有毒霜旱降歲有疾病荊州占曰辰宿犯昴夷狄兵起民受殃若出北天子起兵伐胡胡王死陰國凶○水守昴執法之官受誅久守之水災兵起石氏曰辰入昴留之二十日九十日中國開門有大客國大危易政令若有自來之王○水昴破兵散民流亡一曰水災溢傷五穀郝萌曰

天下失綱兵起於野石氏曰夷狄勝中國大飢一曰諸侯有誅者○辰星守昴角動兵起謀在北方大將之相及外姻汲星入之曰占之期一年○水入昴居其中大水平地三丈五穀不成天下大飢一曰戎狄爲患邊兵大起

客星流星彗孛于犯占

客星守昴中亂不出百八十日臣稱天命郝萌曰臣獻主德又曰有以藥害上者又曰囚徒有聚兵攻獄者一曰執法之官誅一曰天下有謀一曰漁

獵起○客星入昴占曰胡有殃天下亂獄郗萌曰
刀劍貴荊州占曰讒臣在內有白衣聚謀○客星
入昴黃帝占曰有赦石氏曰有白衣之會於國內
又曰貴臣有係囚者一日天下有大喪又曰獄有
妄殺無辜以娛王者荊州占曰水泉大出民去其
鄉西就民邑乙巳占曰貴人有急獄○客星入昴
而留守之王者絕嗣同姓自外爲主○客星入昴
留三日必赦有外咎○客星出昴燕代間起兵一
日有喪乙巳占兵滿野○客星入昴陰有走王○
客星中犯乘昴胡兵敗趙國不利○客星舍昴南
米一貴一賤居其北有奪地死君○客星舍昴不
去天下多囚盜賊並起若留之十日以上不去胡
人內自相賊兵起國亂有來降
流星入昴貴人囚係者一日胡兵起外國使來一
日有白衣會一日胡王死○流星入昴聚兵滿野
若他國有使至期百日遠一年有兵發有赦○流
星交對抵昴中國以夷狄交兵一日四夷交兵○
彗孛出昴有赦邦有喪一日大邦起王君弱臣強

一曰邊兵大起天子憂

雲氣干犯占

蒼白雲氣入昴人疾疫多死妖言大起出則禍除

黑雲氣入昴胡王死蒼赤氣入昴人疾疫多妖言

否則龍見赤雲氣入昴有軍令白衣會將兵一曰

天子自將民聚赤氣入昴軍在野處青黑氣出昴

有兵且有大水黃白雲氣潤澤入昴天子白衣會

罷昴星有珥兵息

昴宿去極度數考

按昴宿本位居酉之次趙冀州之分凡十一度四

月旦在卯五月旦在辰六月旦在巳七月旦在午

八月旦在未九月旦在申十月旦在酉九月昏在

卯十月昏在辰十一月昏在巳十二月昏在午正

月昏在未二月昏在申三月昏在酉

昴七星十一度距西南去極七十度入昴初度天

之耳目主獄事又為旄頭胡星主北胡又主喪又

主口舌奏對昴在卷舌天讒故主口舌奏對又曰

昴畢之間為天街天之衢道

占曰昴下九尺爲日月五星中道星明則胡兵起
主喪又爲白衣之會動搖胡兵大起一星不見皆
兵憂甘氏曰主口舌奏對明大則君無佞臣天下
安搖動則君信佞讒戮忠良張衡云昴明則獄訟
平昏則刑罰濫六星與大星等主大水七星黃赤
胡兵大起動搖有大臣下獄日月食則邊兵起將
相憂五星守犯則大臣凶客入昴中國亂彗孛犯
胡王無道中國爲胡兵擾亂

天阿一黑星去極六十六度入胃一十度在昴西

主察山林妖變玉曆通政經雜占所謂山川崩竭
枯木生花類

占曰天阿居常則吉色變則天下昆蟲草木爲妖
以徵國亡警君不德

月一黑星去極七十一度入昴五度在昴東爲太
陰蟾蜍爲女后大臣之象主刑及死喪又主女人
災禍蟾蜍蝦蟆屬背黑壽三千歲者頭有角領下
丹書八字張衡靈憲云羿得不死之藥於西王母
羿妻姮娥竊之奔入月中遂託身於月是爲蟾蜍

此亦未可盡信姑存之以備一說其德日月與天
街皆在昴畢間故昴畢間爲天街黃道之所經也
月者陰宗之精也四足爲玉兔三足爲蟾蜍在月
中而蟾蜍之精爲星以司太陰之行度月生於西
故於是在焉蓋言女后大臣刑喪女人皆屬陰故
月得以主之領頤下也○漱清考匈奴傳夷虜七
十餘種夷狄三十餘種惟單于朝出營拜日夕拜
月坐長左向北日上戊巳舉事常隨月月屬吳東
南方巽乃爲月窟處而月氏屬其地此虜國地方
女子稟姮娥之精氣生女人最爲佳麗絕色是月
光所鍾蘊故虜人常以月盈進兵月虧退兵取太
陰之盛壯也中國欲攻虜當於月虧時萬里無雲
出兵擊之未有不勝者中國屬陽虜國屬陰午陰
消陽長之候自然取勝今之邊兵不達天時地利
浪戰烏能勝虜○昴主胡王月旁昴主月氏其星
宿有變當以虜國占之未必是中國大臣女后之
應其張二說似遠占日月不居常妃后大臣有災
是虜國妃后大臣災彗孛犯守是虜妃凶咎中國

臣妃不得與焉

天陰五黃星去極七十五度半入胃七度在天阿
下主天子弋獵臣周制天子諸侯無事則歲行蒐
苗獮狩之禮古者四時獵不同春日蒐言搜索取
不孕者夏日苗言為苗稼除害也秋日獮言順殺
氣也冬日狩言得禽獸取之無所擇也曰陰司潛
謀之事淳風曰主預密謀
占曰天陰明大則天子好弋獵不明則禁言洩漏
客入則奸細潛探國謀

蕩藁六黑星距西去極一百零八度入婁十一度

在天陰下主供牛馬之食蕩藁黍稷之稽穰一曰

天積天子藏府

解見前

占曰蕩藁明大則積穰多不見則牛馬多死火守

則火災

天苑十六星距東北去極一百零七度中入昴七

度在昴南如環狀天子苑囿養禽獸所又主牛羊

馬官養禽獸之官如漢之上林苑是也今時亦有

此官

占曰天苑明大馬牛羊繁殖昏暗則牛羊獸畜多死

卷舌六星距東南去極六十二度入昴一度在昴

北主口舌語以知讒佞讒佞言讒諂面諛有口才

人又曰主樞機事

解見前

占曰曲靜則賢人用直動讒人得志移出天漢天

下多妄佞彗孛守則讒佞計禍忠良金火守則讒

佞有誅戮

天讒一黑星去極六十一度半入卯初度在卷舌

中主讒佞詩云無罪無辜讒言囂囂又青蠅篇云

愷悌君子無信讒言書云讒說殄行主巫覡

解見前

占曰天讒搖動則讒人高張賢士無名受想浸而

含冤者衆亦曰帝不安醫巫用事

礪石四黑星距南去極六十五度入昴六度在五

車北主磨礪鋒刃為礪器礪石乃磨刀石鋒刃刀

劍屬百工技藝之總孔子謂子貢曰工欲善其事

必先利其器漱清考礪石必非專為百工設是為

兵器欲其鋒利以殺敵蓋兵尚精器尚利也

占曰礪石居常則兵器銷爲農器天下安逸金守
兵起器械精銳

昴宿雜座

卷舌

卷舌六星在昴北主利口舌主樞機其星曲而靜
中星稀則國安賢人進用直則天下多口舌之害
明大則利口用事讒言大行動搖則兵起其中星
衆則兵大起卷舌星蕃盛則天下民多口舌多病
死有兵起若不居漢中多妄言○月犯卷舌天下

多死喪○五星入犯乘守卷舌天下多死喪有佞
臣謀誤其君以口舌生事人主憂一日人君以口
舌起寇○火星守卷舌大旱兵起金星守卷舌兵
起○客星入卷舌若守之天下有妄言惑主信之
罪及無辜○流星出卷舌讒臣亂國○彗孛出卷
舌人君信讒誅殺忠良一日民多訟大臣反有呪
詛近臣憂期半年

天讒

天讒一星在卷舌口中其星不見則吉明大動搖

則佞臣得志國有大憂○客星守天讒天下妄言

天阿

天阿一星在胃東昴西主察山林妖變動搖則國有妖○五星客星彗孛干犯天阿妖言滿國

礪石

礪石四星在五車北主磨礪鋒刃星明則兵起○火星犯礪石邊兵起火星舍礪石三十日諸侯開庫發兵○金星犯守礪石兵起以入日占國○客星守礪石遠兵動百工用○彗孛出礪石兵大起

月星

月一星在星東女主大臣之象主大陰亦主死喪之事其星明大則女主專政大臣用事○金火星犯守月星天下兵起○客星彗孛出月星國易政○客星彗孛犯月星女主死大臣誅

天陰

天陰五星在畢西主密謀一日天陰主從天子遊獵之臣其星不明則吉明則主漏洩

芻藁

卷之四十一
三
芻藁六星在天苑西主積草供牛馬之食一日天
積天子之藏府也其星明而中星多則歲豐稔不
明及中星稀則歲不登庫藏耗無星則庫藏悉空
不見芻藁貴牛馬暴死○月入天積則寶出亂臣
在內人主憂○五星入犯天積財寶出亂臣在內
○火星犯守天積府藏憂火災○赤雲氣入天積
天積中火起出天積天子以火出財貨○黃白氣
入天積天子自喜多貨財出之天子以喜出貨財

天苑


天苑十六星在昴畢南如環狀天子畜牧之苑金
官也主畜牧犧牲其星行列齊明其中小星衆則
畜牧蕃息細微不見及中星稀則畜牧不孳牛羊
多死天苑星不具吏誅○五星入天苑禽獸多疫
死若守之兵起馬多死○火星入天苑天下將以
馬起兵太白占同○客星入天苑畜多死傷赤星
出天苑牛馬以兵事出○客星守天苑畜不孳禽
獸多死邊兵入境天子以馬起兵○流星入天苑
兵起馬出行多死禽獸多死○黃星入天苑畜獸

蕃息○赤星入天苑馬牛多死傷○蒼白黑氣入
 天苑牛馬大出入天苑牛馬畜獸疫○流星入天
 苑名馬出使臣有馬事來出天苑名馬出有使出
 以四足蟲為幣者○彗孛出天苑都護反兵大起
 馬出畜多死○赤氣入天苑牛馬多死傷○黃白
 氣入天苑牛馬禽獸蕃息○黑氣入天苑牛馬多
 死出之禍除赤氣入牛馬以兵事出

管窺輯要卷之四十一

六安黃 鼎玉耳父纂定

二六二



男九命簡臣三

侄九錫公位

九疇倫叙

九如眉介

侄孫珮琢成

珂先鳴

桐城方兆及子諡同閱

五星三柱九星在畢宿北五車五帝車舍也又帝座也主天子五兵一曰主五穀豐耗火犯之主旱金犯之主兵水犯之主大水三柱之星一不具兵起西北大星曰天庫主太白主秦分東北曰天獄主辰星主燕趙東南曰天倉主歲星主魯魏次東南一星曰司空主楚主鎮星西南曰卿主韓魏主熒惑三柱一曰三泉天子得靈臺之禮則五車三柱明其中五星曰天潢南三星曰咸池主魚圉也月五星入天潢兵起道不通五車南六星曰諸王察候存亡天關一星在五車南亦曰天門日月之所行也主邊將關塞芒角有兵起五星守之貴人多死天高四星爲臺榭主遠望象天街二星三光之道主伺候關梁中外之境也九旂九星天子之旗也參旗九星有弓弩之象以禦難也旂南十三星曰天園菜菓之所也

畢宿說

畢八星去極七十六度赤道十七度四十分自七度十七分五十九秒入申黃道十六度五十六分

管輅車要 卷之四十一 三
六度八十八分五秒入申早左角七曜中道也史
記云畢爲四千車爲邊兵主弋獵一曰邊將主四
夷之尉也其大星亦曰天高占明大則四夷來貢
天下安失色則邊亂動搖則邊兵起有讒臣一星
亡爲兵喪離徙天下亂就聚法令酷金晝見兵喪
月犯大星邊兵入下犯上日月食邊兵興將軍衰
又主刑罰熒惑犯距星主邊兵刑罰用月犯畢大
星主大將死若七日有風雨可解石氏曰金守則
國任刑金入畢口大兵黃帝經曰近十五日遠四
十日金犯左股將相當之金守則五旬有急令張
衡云畢爲天馬甘氏曰主銜巷陰雨天之雨師也
詩云月離於畢俾滂沱矣正義云畢屬金氣爲陰
克東方之木妃木氣爲雨而畢好雨是尚妻之所
好也明而移動則潦及銜壅塞亦有月躔畢而不
雨者以南北不同道也月犯畢大星五日內雨五
星躔此多雨木犯有軍功爾雅云濁謂之畢孫炎
謂掩兔之畢或呼爲濁因以名星也史記云濁者
觸也言萬物皆觸死也

天街二星史記云昴畢間爲天街夾黃道三光之所由也張衡云主國界街南爲華街北爲夷天所以限華夷也主伺候關梁不見及移徙則關梁斷亂暗則兵起明則王道正直金火守胡人兵起附耳一星在畢口大星之下天高之東南隅天之耳也主聽得失伺愆邪察不祥盛大則中國有盜賊邊城驚外國反鬪兵連年史記云附耳搖動有讒亂臣在側附耳入畢中兵起邊城尤甚郗萌曰人畢馬馳人走

天節八星在附耳南使臣所持以傳命宣威德於四方者也明吉暗凶有星守之凶天節八星在附耳南使臣所持以傳命宣威德於四方者也明吉暗凶有星守之凶天高四星在參旗西北近畢左角舊在黃道下唐志測當黃道占驗必登高遠眺在外之事畢主邊兵尤當觀天文氣候故有天高乃臺之高者主望雲物觀氣象占邊警也不見則官失其守陰陽不和和

天關一星在五車南畢西北亦曰天門舊在黃道南唐志測當黃道三光所行之道也主邊防關塞

之啓閉芒角有兵五星守貴人多死客星守國絕
嗣移徙與五車合則大將軍受誅
諸王六星在五車南入漢中宗臣藩屏王室在周
爲同姓之國漢以後則爲侯王察諸侯存亡明則
諸侯奉上暗則藩臣專不見則宗社傾危變色搖
動則四方兵起

五車五大星在諸王上乃五帝座主天子五兵旁
九小星曰三柱共十四星在畢東北軍器兵車所
藏故以柱之出入車內外知兵之出入也張衡云

天子兵車舍也西北大星曰天庫主太白秦也次
東北星曰天獄主辰星燕趙也次東南曰天倉主
歲星魯衛也中央星曰司空主鎮星楚也次西南
星曰卿主火星魏也明則吉暗則凶國糧絕搖動
及五星有變各以其所主之國占之五車角若益
衆及不具無處車馬三柱在五車乃車之柱也然
不附五車自爲一座星或曰三泉或曰三淵或曰
旗或曰騎或曰沐三柱皆具天下倉廩實柱不具
兵起五車與三柱均明天子得靈臺之禮三柱出

車外則兵出三柱入車內則兵入柱出一月米貴三倍飢一年出兩月米貴六倍飢二年出三月米貴十倍飢三年柱出不與次東南星相近則米穀運出千里若例立尤甚火入守主旱金入守主兵水入月暈有赦

天潢五星在五車口中不附五車自爲一座主河梁濟渡之處可通車輿者不見則河梁不通天下亂易政火入旱金入兵水入水史記云王良旁有八星絕漢曰天潢當作九星曰天津

咸池三星在五車中天潢之上主陂澤池沼魚之圃也亦鱗介害人之物所萃也不附五車火犯則旱金水犯則兵隋志云咸池明有龍墮死虎狼害人兵起索隱曰咸池主五穀言穀生於水含秀含實故一名五帝車舍言以車載穀而販也

參旗九星在參北五車南大將所以指麾遠近也明而稀邊寇不動芒角而怒則兵大起直則兵起曲不如常則王者斬伐不當於理隋志云一日天旗一日天弓如主弓弩之張候變禦難

九旂在玉田西南天子之旗大將所持以發縱者也主邊軍進退動則九州分散人民失業信命不通金火守則兵起

徐廣曰旂音流

九州殊口在天節南九星圖環主傳譯曉方俗之官象胥之屬也王應電作九州殊口

天園十三星在天苑南主毓草木蔬菜之所周官之所謂囿遊也曲而鈎則菜菓熟直則饑

畢宿主弋獵邊兵度十七度右角為黃道餘見胃宿下

畢宿歌

恰似丫叉八星出附耳畢股一星光天街南星畢觜旁天節耳下八烏幢畢上橫列六諸王王下四皂天高星節下團圓九州城畢口斜對五車口車有三柱任縱橫車口五個天潢精潢畔咸池三黑星天關一星半脚邊參旗九個參車間旗下直建九旂連旂下十三烏天園九旂天園參脚邊

畢宿考

附耳一星附畢大星之下次天高東南隅主伺鬼

方之動靜察奸謀以備外患以爲胡夷之候○五車五星在畢東北爲五帝車舍主天子五兵又主五穀○三柱九星在五車中一曰三泉車之柱也○天潢五星在五車中天池也主渡神人通四方亦主關梁濟渡之處○咸池三星在五車中天潢南曰天淵水虫之困也○天街二星在昴畢間街南爲華夏街北爲夷狄街北昴以西也街南畢以東也○天關一星在五車南王關塞○天節八星在附耳南使臣之所持也○諸王六星在五車南天漢中主藩屏王室○天高四星在諸王南參旗西北主齋戒之門○九州殊口九星在天節南主曉方俗之語○參旗九星在參西畢東天旗指揮遠近西從命者也○九旂九星在玉田西南天子之兵旗也所以導軍進退○天園十三星起天苑之南屈曲西橫列養花菓之處

畢八宿一曰天耳一曰天目一曰虎口一曰天都一曰天空又爲天獄主伺鬼方之動靜察奸謀以備外患故立附耳以稽不祥又曰罕畢爲邊兵主

弋獵黃道所經天子出旄頭罕畢以先驅是也明
大則夷貢移徙則獄亂甘氏云畢主街市陰雨天
之雨師也明動則潦災張衡云畢爲天馬日月食
兵起木犯有軍功天街二星在畢北主日月五星
之出入又主國界街南爲華夏街北爲夷狄經曰
天街畫乎戎野金火守胡兵起
天高四星在畢口之北主望氣之事又曰天高爲
邊將主掃奸宄通外域不見則失守○諸王六星
在天高北○五車五星在諸王北○三柱各三星
在五車內之東西○天潢五星在五車之中五帝
之舍也○咸池三星在五車之內天潢之上魚圍
也主五穀穀生於水故咸池主之金火犯有災明
則虎狼害人○天關一星在天高東主邊塞事又
主關閉稽察非常芒角動兵起與五車合之將披
甲○天節八星在畢南經曰天節宣威於邦域○
參旗九星在畢東主指揮軍伍之事動搖邊寇作
○九斿九星在參旗南主曉重譯之事○天園十
三星在九州殊口南經曰天園曲列而儲芳主天

上花卉之事

畢八星附耳一星十六度距畢右股西南第一星去極七十七度在黃道外一度少水星也春夏爲水秋冬爲火一曰罕星天子出象畢前驅畢昂爲天街三光之正道街南爲中國畢主之街北胡邊夷畢主之爲邊兵弋獵巡狩之事其大星在左股曰天高亦曰邊將四夷之尉也明大遠夷狄貢天下安失色邊方自亂中國不安赤色動搖則胡人叛中國國不安

附耳一星在畢口傍主聽得失伺愆邪察不吉主邊兵動則邊兵起移動則佞譖行佞臣在君左右星威則中國微有盜則邊堠驚外國反日食畢中邊主死軍自沒不出一年○月食畢中有赦大風雨一云右星爲右主邊將主胡國○月食畢中將軍有以家犯罪者主奔走○木守之有赦王者賞賜夷狄入三十日已上有兵發客軍敗人反鄉○火入之邊主降軍人驚駭守三十日以兵起貴人當之守六十日貴人反伏誅相有憂

管窺車要 卷之四十一
及旱荒○火守畢昴間天下不通人飢米貴有赦
○金守之大臣出使兵火起守之口國亂易政○
金犯右星大將軍死○水守之有水災萬物不成
飢五星及客守之邊兵起國稱王外臣謀反近臣
爲奸客守附耳兵起天下多獄米貴入飢○彗孛
行犯之北夷爲寇亂中國其分流血期一年○月
暈之邊兵大起○月犯之謀邊流血多敗戈先起
兵凶太子惡之

畢宿摠叙

畢八星附耳星曰罕車主邊兵弋獵曰狩之事一
曰天耳一曰天口一曰虎口一曰濁一曰天都尉
主制候四方一曰天空水星也又爲天獄伺鬼方
之動靜察奸謀以備外患故直衢地之陽以爲故
夷之候故主附耳以譏不祥又主街巷主陰雨天
之雨師也其北上七尺爲日月五星之中道必主
山河以南中國也中國於四海內則在東爲陽昴
北之街爲之天街陰陽兩界之所分畢爲陽國昴
爲陰國畢左股大星也天高爲邊將主掃邊奸凶

通外域其星光大則天下和同夷狄來貢失常改
 色則邊境亂國不寧耀芒則外國皆叛動搖則邊
 將有急一星不見則為喪為兵離徙則天下獄大
 亂就聚則法令酷不明則天下謀亂明而動則多
 凶附耳搖動則有田令角動則讒邪行兵大動明
 威則邊兵交戰中國失勢移徙則有亂臣在側
 附耳入畢口中則天下有大兵起邊地尤甚

日月變異占

日在畢食將相有以家坐罪者感精符曰邊兵自
 殺其將軍尉誅遠國謀亂石氏曰天下主獄之臣
 黜一曰天子好弋獵有謀君者○日暈於畢胡主
 病亦為風雨一曰邊兵趙魏之君有憂

月在畢食甘氏曰邊使君一曰邊臣誅京房曰占
 小有兵郝萌曰人相食一曰胡人大憂疫○月暈
 於畢邊兵起郝萌曰無德令則民憂荊州占曰大
 赦期三十日一曰女主惡之一曰邊囚將一曰獄
 官出其分飢有兵喪○月入畢中而暈人主伐乙
 巳占曰人主空乏○月暈三重邊兵急○月一歲

三暈畢天下中外有兵大赦○月邊於畢邊有急
兵邊將刑○月食行離畢則雨一曰月在畢失行
舍陽則風舍陰則雨曰行宿畢而務君使之諸侯
有道死者一曰諸侯之使有道死者

月五星干犯占

月犯畢天子誅罰急貴人有死者京房曰天子有
變令天文論曰春多雨夏多風邊兵起黃帝占曰
犯畢出其北陰國憂出其南陽國憂○月犯畢大
星下犯上臣弒主大將死邊兵起○月入畢中大
風起有赦郗萌曰其國君有大憂兵起期一年先
起兵者破亡與兩股齊將死劉向法範傳曰月入
畢中將相有家坐罪右近期百二十日遠十月一
曰有叛臣一曰賊臣誅死郗萌曰有物主遠期一
年一曰小人自立一曰小人罔上將相驚有大赦
月在畢口期六十日赦在踵期三十日一曰有土
工又曰有以弋獵惑上者○月居畢中不下期一
年女君死天文錄曰多雨○月食畢賊臣誅貴人
多死兵起一曰使邊國者凶一曰諸侯相謀○月

亂畢趙有亂其君當之○月與畢合有舍合其陰
風雨水爲災合其陽大風○月穿畢過之有兵起
飢賊起○月犯附耳兵起將相有死者

歲星守畢邊兵起外國謀反稱王謀反近臣爲佞
一曰其分飢有赦春秋合誠圖曰王者出遊獵不
出四十日兵東行石氏曰王者有使干夷狄米大
貴巫咸曰大旱多大災禘萌曰萬物不成國以飢
亡乙巳占曰木守畢口國大赦王賜夷狄者有德
令○木入畢中邊兵起居之八十日臣謀君兵大

起巫咸曰木入畢中伺其出日數之期二十日兵
發又伺入日數之率一日期十日兵罷五星同然
一曰木入畢口中邊有兵將相憂大臣災一曰大
人當之一曰民飢大赦○木出入留舍畢二日其
國以武致天下又曰絲棉布帛貴十倍荊州占曰
三十日不下人民流之不及其鄉○木出畢陽爲
旱陰爲水不行金木處北其年有赦有別離之
國奪地之君且有大水處畢南有土工男子多疾
歲早晚水處畢東多暴雨兵器金鍊貴○木逆行

畢人君畋獵不時一曰兵起○木居昂畢間色赤
大旱國有大殃在君一曰在民○木入畢遂守之
中國大亂人主當守三十日不下人君起兵有攻
戰客軍敗民流亡期一年○木流守畢出其北陰
國憂出其南陽國憂有兵則客敗主人獲勝○木
犯乘畢中國有亂○木犯附耳乙巳占曰兵起將
相憂死不免退

熒惑守畢其分飢有德令甘氏曰胡王死又曰男
子有賜爵之命又曰邊地大驚夷狄入中國倉粟
出一曰將相憂有白衣之會一曰天下多盜有害
國石氏曰天子虐多枉刑一曰大師將兵肆驅掠
君憂一曰走君守之王十日有苛令百日匈奴有
降王一曰天下道不通海中占曰人君以畋獵廢
政○火守畢踵荆州占曰人民駭走去家千里子
母無所付留一月大兵戰留二月二年戰三月三
年戰三年以上國易政亡守大星有赦錫夷狄○
火守畢昂之間天下道路不通○火犯畢有邊兵
刑罰用海中占曰畋獵之事○火犯畢左角小戰

右角大戰○火犯畢若留守之出其北陰國憂出
其南陽國憂○火入畢黃帝占曰中國之君以兵
自衛巫咸曰將相憂一日國相亂郗萌曰有主喪
一日大赦有白衣會一日爲憂兵國易政一日相
國死○火入畢口甘氏曰邊王降兵大駭留之六
十日貴臣反伏誅又曰人飢亡一日入畢門留三
十日以兵起乙巳占曰火入畢口有大赦期五十
日若三十日將相憂有白衣衆聚期不出一年○
火逆行畢至昴有死喪寇亂○火逆行守畢荊州

占曰兵大起馬頓其足牛折其角歸而逐逐無所
亡耗民若喜粟道路相食留二十日在上貴人有
被掠者期七十日趙地大殃○火入畢以去之後
復守之有臣爲天子破匈奴者期三年郗萌曰諸
侯女子貴人有誅○火在畢行疾無妨行遲有憂
其中主也出其旁臣石氏曰出畢陽爲旱陰爲水
○火在畢爲天空不可爲客爲客者有殃○火與
畢合光其主亡一日女主憂舍畢其國多枉刑有
淫獵○火舍畢口貴人有掠死者舍之六十日有

夷族者其國滅無後一曰有邊兵一曰臣有輔太子奉藩國之事○火出入留舍畢在左右明年大旱一曰有失地之君期在冲齊伯曰兵起其野大不利○火入遂留守之六十日不下女主死大臣諸侯相謀兵起大戰期一年○火犯附耳邊兵大起將相有死若出敗者

鎮星守畢王侯廢久守之兵起荆州占曰有赦石氏曰天子政令不行人君受制于下有土工陳卓曰賦重後頓民不堪命天文錄曰邊降○土守畢口軍急禦守一曰土合畢口諸侯有廢者又曰大臣憂兵起不戰○土入畢中地震水溢大人當之郝萌曰其國易政亡人犯畢人君謀兵一曰兵起四夷不戰有赦黃帝占曰四出其北陰國憂出其南陽國憂○土犯畢爲邊趙代有憂○土出入留舍畢有軍在野不勝舍畢中八十日不下兵起客軍不戰而散○土逆行畢若守之女王出入不時人君獵廢政○土犯附耳兵起將相有死黜者太白守畢兵起大臣出使石氏曰天子虐用多枉

刑甘氏曰大將有功巫咸曰諸侯有兵一歲罷又
曰水災萬物不成郗萌曰有急令邊不安相有憂
○金守畢國有兵危益觸守畢旁兵亂又曰國易
政○太白入畢中國危大人當之石氏曰有女喪
西官候曰將相有憂人主惡之石氏曰太白入畢
近陽星大將出兵有功又曰太白入畢占與兩股
齊兵起期四十日守之五十日期三十日○太白
入畢口馬馳人走戒夷狄謀奪中國大赦星行疾
相近行遲期遠一曰有以弋獵惑人主者○太白
在東方入畢口兵大起國易政○太白入畢口而
守之有叛臣大將出征有功國易政玄冥占曰將
軍爲亂國君守衛大臣當之○太白冲犯乘凌有
大兵民多死郗萌曰有急令相死一曰邊兵敗巫
咸曰有災五穀不成一曰刑罰急黃帝占曰太白
犯畢出其北陰國憂○太白犯畢股左右大星石
氏曰大將戰死右星爲右將軍左星爲左將軍○
太白乘畢若凌之邊兵將戰死○太白出入留舍
畢兵起北方天下有憂兆一國七十日不下天下

有立主百日不下有大喪不出四年○金出畢離
之一尺國豐出陰水出陽旱○金貫畢倉廩空虛
四夷交侵邊地大擾北官候曰太白抵畢出入天
下兵驚民離○金犯附耳國有讒臣在主側以叟
獵惑主君相皆喜兵起國憂

辰星守畢邊兵起有水災萬物不成臣謀反近臣
爲佞外國稱王黃帝占曰山崩民流巫咸曰邊有
以水起兵者甘氏曰多病死郝萌曰野人爲亂○
水犯畢出其北陰國憂出其南陽國憂荊州占曰
水犯畢邊兵起郝萌曰水犯畢若入之兵起王外
北狄有憂○水入畢有兵國易政伺其出日數之
占○水犯附耳兵起將相憂

客星流星彗孛干犯占

客星犯畢人民流亡不及其鄉一曰斧鉞用大臣
憂一曰無兵兵起有兵兵罷○客星入畢石氏曰
邊兵大起羊貴又曰有以弋獵惑人主者一曰邊
兵亂天下有赦郝萌曰多獄事貴人有係囚者荆
州占曰四夷並起爲盜賊或曰有兵謀一曰女主

憂諸侯憂一曰先起亡○客星入畢口與兩股有
走齊王又曰五十日兵發其去也視其東西南北
所往及所主近宿或受兵○客星入畢留不去牛
馬貴一曰天子絕嗣○黃星入畢三夜常見相死
九十日后死百二十日大人當之○客星出畢國
人爲亂有失君巫咸曰邊軍亂夷兵起胡寇入天
下飢有正國近一年遠三年郝萌曰車馬急行荆
州占曰君以獵廢政○客星入畢歲大飢石氏曰
讒臣蔽主德甘氏曰外國稱王有詐使不可信一
曰內臣與外臣通謀郝萌曰大臣憂有陰謀事不
成一曰工役興風雨不時穀貴一曰天子無後一
曰霜大下溝水溢民流亡大將出師視星所指命
所伐○客星犯附耳邊兵起
流星入畢先起兵者敗一曰貴臣囚繫一曰有謀
兵一曰邊兵大戰天文錄曰其分君憂有逐相○
流星入畢中而復出其星小有小赦大有大赦乙
巳占曰流星入畢國有流民○流星出畢君有畋
獵事於外○流星犯畢邊兵大起無憂犯有戰流

血秋久犯之大水魚行人道○流星色黃潤入畢
 句奴入貢出畢天子遣使安邊一曰有赦令○流
 星色赤貫畢胡兵大入彗孛行犯畢胡人為寇野
 外血流期年○彗孛掃畢邊兵大戰積尸千里○
 彗孛出畢馬貴爵祿亂芒內指中國兵敗外指夷
 狄敗○彗出北口石氏曰相為亂國易政兵起工
 役興天下大動○蒼彗出畢五穀不成有破軍亡
 國○赤彗出畢其分主憂○白彗出畢有兵喪○
 黑彗出畢山水溢江河決○彗出畢參之間而長
 壯如竹竿其星壘壘然○黃彗出畢女主為亂○
 鎮星之見以為兵戒不出一年兵起宮中女主受
 殃

彗孛守畢柄侯邑益士○彗出附耳庶雄起羣臣
 反

雲氣干犯占

蒼白雲氣入畢歲不收則禍除○赤雲氣入畢
 兵起○赤氣如波揚大旱有大災○黃白雲入畢
 其歲善出畢則授民田一曰黃白氣入畢天子有

管子地員篇 卷之四十一
太子喜兵在外者解其歲有大人
生○黃白氣入畢有拜相將○赤氣出畢將軍出兵○黑氣入畢相改將死○白氣入畢相死出則禍除○赤氣出附耳兵起出之將軍兵出○蒼白氣入附耳將軍死○黃白氣出附耳有拜將○黃白氣入附耳天下安無兵○黑氣入附耳將死

畢宿去極度數考

按畢宿本位居申之次晉魏梁州之分凡十七度主山河國界也中國於四海內則在東南為陽昴畢之間曰天街陰陽兩界所分畢為陽國昴為陰國○五月旦在昴六月旦在辰七月旦在巳八月旦在午九月旦在未十月旦在申十一月旦在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉畢八星十七度距左股第一星去極七十五度入畢四度為天子之行車天子乘輿所前驅有九旂雲漢乃天旗之名主弋獵前解見主邊兵所以備夷狄也其大星曰天高一曰邊將主四夷之尉東夷

有九一曰玄菟二樂浪三高麗四滿飾五鳧更六
索家七東屠八倭人九天鄙又曰畎夷於夷秦夷
黃夷白夷赤夷玄夷風夷陽夷白虎通曰夷者
也言無禮儀也西戎有六一僬夷二戎夷三夷
張衡云畢爲天馬一曰日月食則邊境兵凶將危
木星守將有軍功詩云月離於畢俾滂沱矣主連
綿風雨土日月行畢東北入箕則多風月行西南
入畢則多雨所謂日之從星以爲風雨也大陰在
畢之左主大雨月左畢失行舍陽道則旱風在
道則陰雨又日月入畢中有大風起金火守則胡
夷兵起彗孛出入畢宿芒指畢內則中國兵敗芒
指畢外則夷狄兵敗日暈於畢胡王有死者亦爲
風雨月犯畢則春多雨夏多風在其北則陰國憂
在其南則陽國憂月與畢合則有邊赦合其陰則
雨水爲災合其陽則大風傷物木入畢在陽道爲
旱在陰道爲暴雨火入畢行疾無事爲吉行遲有
憂入其畢中君憂入其畢旁臣憂又曰在陽爲旱
在陰爲水土入畢口則地震水溢金入畢則邊兵

大起五穀不成在陽道為早在陰道為澇水星入
守邊兵起水災

附耳一星去極七十八度入畢三度在畢下主聽
得失伺愆邪察不祥書康誥云惟命不于常道善

則得之不善則失之矣又云時人不則有愆又禹
謨云去邪勿疑又無逸篇云其終其於不祥漱清

考天下國家非屬軍務事事皆當顯明聲言惟軍
務中機事最密不可以昭彰人耳目一昭彰語洩

則謀成者以謀敗害事最大故易曰機事不密則
害成漢高有陳平躡足附耳所以常王天下也附

耳星在畢旁當主此說為是君以聽得失伺愆邪
察不祥則說寬矣似不是

占曰附耳如常則邊謀密動搖則謀邊二三機泄
客守則奸細入探邊謀者金火守則讒佞害邊臣

彗孛守則國無謀而邊兵大亂
天街二黑星距南去極七十一度入昴十度在昴

畢間三光之道三光日月星主伺候關梁張衡曰
主國界為天門外街陰陽之所分街南為華夏街

管子地員篇
卷之四十一
三十一
北爲夷狄天官書云自河山以南者中國中國於四海內則在東南爲陽國占於街南畢主之自河山以北者四夷四夷在四海以外則在西北爲陰國占於街北昴主之蓋言河者黃河山者華山天地分界處

占曰天街如常則華夷兩太平不見則華夷不分兵交起客入則夷狄侵中國彗孛守則邊臣私通夷狄兵大起五星守街南則中國兵勝五星守街北則夷國兵勝

天節八黑星距北去極八十度入畢三度在畢南主使臣持節宣威德以布四方節毛節以毛爲之上下重重似竹節周禮秋官小行人并地官掌節之職云凡通達於天下必有節皆有期以反節守邦國者用玉節守都鄙者用角節又如邦國之使節山國用虎節玉國用人節澤國用龍節之類又如門關用符節貨賄用璽節道路用旌節之類漢蘇武以使胡者是也

占曰天節如常則吉反常則國不安流星出入則

管輅神書 卷之四十一
華夷使臣交相往來金火守使臣凶彗孛守使臣
有賣國之奸

諸王六黑星距西去極六十度入畢一度在五車
南天漢中主宗社所以藩屏王室審察諸侯存亡
宗社廟堂也藩垣墻也屏屏障也率由典章以藩
王室又蔡仲之命云睦乃四隣以藩王室漱清考
宗子維城邦國以寧此之謂也

占曰諸王明而如常則諸王恪恭奉上天下安不
見則諸王微弱動搖離徙則諸王僭越不奉上命
宗社危四夷兵起彗孛犯守諸王有叛逆者○漱
清考諸王六星橫列畢內者是正應虜王夷王狄
王蠻王戎王貊王如酋奴單于白屋月氏濊貊犬
戎之類是爲外藩若天市垣宗正宗人宗星皆腹
內郡王乃親王是爲內藩不可不辨

天高四黑星距東北去極七十四度入畢六度在
諸王下近畢主望八方有雲氣觀臺之象八方東
西南北東北東南西南西北也觀臺卽今觀象臺
漱清考天高乃九邊烟墩堡塹敵樓觀望敵寇虛

實者必非觀象臺若是觀象臺必是古名將如廉頗李牧孫臏吳起趙奢諸人皆能善知天文後漢諸葛亮司馬懿皆能善知天文而後用戰故設一觀臺望雲氣據天時察地形然後進戰未可知是臺乃九邊所建者必非王畿都內之觀象臺焉識者詳之蓋九邊若果有觀象臺亦必有善天文者卽今亦不浪戰至此矣

占曰天高居常則風雨時陰陽和量敵而進慮勝而會天時地利人和師出以律兵起將勇有不戰戰必勝焉失常不見則四時失序將敗軍憂金火守將軍謀亂彗孛守邊將有失律之凶

九州殊口九黑星距西北去極一百零半度入昴十度在天節南主遠方通俗傳譯通事通俗傳譯者言通達外國之風俗重譯遠方之言語如史記所謂越裳氏重譯獻白狼白雉於周是也

占曰殊口居常天下貢獻亦照常吉移徙不見則外國不臣貢獻絕往來若彗孛守犯則通事有賣國之奸兵大起

五車五星三柱九星共十四星距五車大星去極
 四十七度入畢八度在畢東北五車主天子五兵
 五兵五軍都督也五軍中軍左軍右軍前軍後軍
 乃五軍都督府也又曰天子兵車之舍又曰五帝
 座前見又主五穀以候豐耗即下文五穀○西北
 柱去極四十九度入畢五度○東南柱去極五十
 五度半入畢十五度半○東北柱去極五十三度
 半入畢十六度半三柱解見後古者冢宰視年之豐耗
 以通制國用豐者盈也耗者虛也其西北大星為

天庫神曰令尉主太白主秦雍主豆東北一星曰
 天獄神曰風伯主辰星主燕趙主稻東南一星曰
 天倉神曰雨師主歲星主徐魯衛并徐解魯今山
 東兗州府屬地衛今河南衛輝屬地并今山西太
 原屬地主麇麻麇亦作蕢泉屬又曰麻屬亦曰泉
 實也無子四苴有子曰泉北麻也書禹貢云厥貢
 漆泉絲竹是也中央大星曰司空神曰雷公主鎮
 星主楚荆前解見漱清考廣東雷州用葛布張鼓燒
 祭雷神至今有之雷公主廣東亦近是有之主禾



黍西南一星曰卿星神曰豐隆雲師也主災惑主

魏益

魏解見前

益州今四川成都府是按括地志云漢

武帝置十三州改梁州爲益州主度五星有變各以所主占之五者五車星三柱一曰天泉一曰天休一曰天旗淳風云三柱明天子得靈臺之禮

占曰五車均明三柱皆俱則倉庫實一星不具一方之災五星俱不具五方之災其國乏食兵荒大起三柱外出則兵出入則兵入柱出一月米貴三倍期一年出兩月米貴六倍期二年出三月米貴

九倍期三年柱外出不與五車相近軍出米穀轉運出千里也柱倒災尤甚火入天下旱水入天下澇金入兵起土入土功興木入主豐福不爲災彗孛入犯邊臣通謀夷虜爲奸兵起五車搖動變色則國有兵穀貴人飢三柱搖動則期三十日車騎兵與一柱不見三分之一二柱不見三分之二三柱不見車騎滿野天子自將兵

天潢五黑星距西北去極五十八度入畢十一度在五車中又曰五潢天池春秋元命包云天潢天

津也津者湊也主濟度也又曰天潢主河溝渠所以度神靈通四方主河梁津度處河河梁橋津渡處

占曰天潢不見則河梁不通水星入犯則江河氾溢

咸池三黑星距南去極五十一度半入畢十一度在五車中天潢南魚圍也主陂澤池沼魚鱉鳧鴈

類春秋元命包云咸池主五穀其三星各有所職咸池言穀主有水含秀含實至秋乃垂故一名五


帝車舍以車載穀而販也孟子曰樂其有麋鹿魚鱉詩云將翱將翔弋鳧與鴈圍圍也陂壅水陂

澤水聚也池池沼也園園池也鳧野鴨也占曰咸池居常年歲豐稔明大動搖則有蛟龍死

虎狼害人四野兵起彗孛守天子有禽獸之荒池湖之驚

天關一星距極七十一度半入觜初度在五車南亦曰天門日月五星所行之道主關防邊境道路

事淳風云主邊事



占曰天關芒角則有兵客星守奸細入寇金火中
關防不密兵起彗字守則夷兵出入無禁大兵起
參旗九星距南第二星去極八十七度入畢六度
半在參西天旗也又曰天子兵旗王指揮遠近以
從命又曰天弓王司弓弩之張以候變禦難釋名
云弓者穹也黃帝之臣揮始作弓又曰羿作弓又
曰倕作弓弓有六材一曰幹幹之本強所及必遠
二曰角角之勢順所發必疾三曰筋筋之力銳所
中必深四曰膠合之以膠則和五曰絲纏之以絲
則固六曰漆環之以膠漆則冒霜雪不爲之損古
史云黃帝作弩弩生於弓蓋比弓加之以力也周
禮夏官司馬弓矢之職掌六弓四矢弓曰王弓弧
矢夾弓庾矢庾弓唐弓大弓弩曰夾弩庾弩唐弩
大弩易云弧矢之利以威天下
占曰參旗明而稀則邊寇不動金火守則弓弩大
用兵起
九旂九黑星距南去極一百一十三度入畢一十
二度在參旗下天子兵旗王導軍進退導引導也

又曰司弓弩張變事象以戒不虞易萃卦象云君子以除戎器戒不虞

占曰九旂乃領州部列邦兵旗動搖則兵旗大起人民失業

天園十三星距東北去極一百二十四度入畢五度在九旂下爲植菓菜所菓桃李類菜蔬菜亦主掌蔬茹官茹根芽漢書云不茹菜園

占曰天園曲而鈎則菓菜熟直則菓菜稀少火守主旱水守主澇客守有虫食

畢宿雜座

五車

五車五星三柱共九星合十四星在畢東北五神之外座也一曰天庫一曰天倉其西北端一大星一曰天庫爲天大將軍主秦主太白其神名曰令尉次東星曰天嶽主燕趙主辰星其神名曰風伯次東星曰天倉主魯衛主歲星其神名曰雨師次東南星曰司空主楚主鎮星其神名曰雷公次西南星曰卿主韓魏主熒惑其神名曰豐隆星變則

各以所主言之三柱鼎足而居一曰休格一曰旗
一曰三泉五車者天子之兵車舍也主天子五兵
郝萌曰五車一曰咸池一曰五漢一名重華巫咸
曰五車天子水官主五兵又主輕車石氏曰五車
天庫星五天嶽星主稻天倉星主麻正南司空星
主黍粟西南卿星主麥占歲之豐凶必候之五車
星動搖或變色則國有兵五穀大貴人飢亡隨星
所主占之三柱動期三十日車騎發一柱不見三
分之一車行二柱二分之一車行三柱皆不見車
盡行天子自將兵柱外出不與五車相近者軍出
穀貴轉輸千里柱出一月穀貴三倍期一年出二
月不入穀貴十倍五車柱外出不居兩星之間天
下大水木大貴柱列立者戰車行土大貴轉土千
里五車星欲其均明濶狹有常五車庫星不明或
中河而居則天下有積死人河不可渡五車中小
星繁多則兵大起五車休出車甲兵強輕車騎出
休出倉大車出婦女輓糧休輅所指車送之五軍
倉星不見軍絕食大窮而亡五車旗不見天下大

風發屋折木五車休旗動四夷叛五車移徙五穀不成兵起五車休輅反抵火星天下兵起先起者勝五車星俱明五穀豐一星不明一穀不成五車失色赤地野草不生月犯五車兵起道路阻一日臣踰主月犯五車兵車促駕貴人死月暈五車一星赦小罪暈五星并昴畢大陵有大赦月暈一柱兵少出暈二柱兵半出暈三柱兵盡出有兵在外暈一柱兵少罷暈二柱兵半罷暈三柱兵盡罷○五星犯五車大早有喪犯庫星北方西方犯倉星穀貴

歲星入五車兵大起五穀不成民飢軍絕糧向其旁糴貴三倍入其中貴十倍當其門貴五倍木中犯乘守五車大水大飢兵起○熒惑入五車大旱兵大起五穀不成民飢絕食天下亂以所入星占其方一曰有赦火入五車中犯乘守天庫星貴臣溺死兵亂十年乃止中犯乘守天倉穀大貴以食起兵火星過畢口直五車留一月兵連戰一歲留二月連戰二歲留三月連戰三歲若留土居兵在

外有小功得地百五十里留水居當以水運爲執
○火星守五車五穀大貴人相食易帝王天下有
以車名爲官者大敗一曰有軍器之敗火星守五
車休格留十日有大喪以入日占國火星守五車
東留二十日已上卿死去之而復還其國君死有
大赦火星舍五車西南阨民多死

鎮星入五車兵大起車騎行五穀不成天下飢軍
絕糧以喪起兵國中土星舍五車中央大旱多虫
在燕代尤甚土舍五車東北六畜蕃息繒布大賤
舍東南高田收下田澇民多疾而不死舍西南布
帛貴棺木貴舍西北天下無事○土星逆行至五
車邊兵發有赦令

太白入五車不留金玉貴數十萬人兵起以入日
古國太白入五車舍西北天下多死人馬多疾酒
泉以西爲甚舍東北糴貴五倍太白守五車夷國
亂人相食其國三歲不復一曰四夷兵起中國兵
所向無不勝有自來王者兵民入中國有大喜一
曰蠻夷王有死者太白乘守五車有大兵不出九

十日至中國兵戰勝太白犯守庫星兵起北方若
西方太白入經五車四滑起

辰星入五車乘犯守之兵起庫以潦開水入五車
天下大水水乘守五車國以水起兵犯倉星穀貴
犯庫星兵起

客星犯五車兵起滿野天下半傾百姓徙居去其
鄉土○客星入五車車倍價所守穀貴有赦人相
食大水星色黃主受賀大喪色白大人當之色赤
有兵客星出五車兵出將相憂五穀大貴守五車

大喪兵起將相出令國易政○客星出入五車中
近天庫兵起天岳水泛濫近天倉棺木貴近司空
民流亡近卿大旱○客星入五車有外使來以色
占之天下兵車騎發先起者昌

流星入五車以甲子日中爲粟車期二十日粟貴
丙午日中爲麥車期二十日麥貴戊午日中爲豆
車期二十七日爲豆貴庚申日中爲麻車期二十
日麻貴壬戌日中爲黍車期十日黍貴以其日所
見流星之處占其地○流星出五車色白諸侯以

車為憂色黃受賀色赤言兵車騎出色青黑人多
 死各以日占○流星犯冲五車水旱不調人君有
 憂
 彗孛犯五車兵車滿野天下半傾百姓徙徙不居
 其鄉○彗孛出五車兵大起有戰糴貴人飢一日
 主賣位穀霜災一日臣伐君○彗孛守五車先起
 兵者昌後起兵者亡蒼白氣入五車兵起民流亡
 ○赤氣入五車兵起大戰赤氣出五車兵車大出

天潢

天潢五星在五車中天池也一日天潢主疾人神
 通四方一主津梁濟渡之處其星明則主壽昌津
 梁通民無災疾不見則津梁不通
 月犯天潢二十日不出兵起道路阻天下亂國易
 政人多死○五星入五車犯守天潢兵大起天下
 擾亂國易政貴人死運不通
 水星入天潢人主以水為害○火星守天潢牛馬
 病死腐爛道傍賊兵起水中一日有孛雨天下大
 旱大亂大賊以其所近車星占中央四方人死不

葬易世立王○土星入天潢大旱大亂人死不葬
有立王○金星犯守天潢大水五穀不成糴大貴
一曰人主以水爲害若以井爲害以入日占國○
水星犯守天潢大水五穀不成水兵起客星入犯
天潢兵起車道不通天下大亂易政貴人死守之
大水以入日占國○流星入天潢大水蒼白氣入
天潢有死喪憂出之則禍除○赤氣入天潢兵內
起赤氣出天潢兵出戰○黃氣入天潢若出之天
子有喜有兵則兵罷○赤氣入天潢如揚波兵

庫焚

咸池

咸池三星在五車天潢南一曰潢龍一曰潢池一
曰天淵一曰天井水魚之囿也主陂池又主五穀
其星明大則龍墜死虎狼害人兵大起移徙失常
則旱不具則津梁不通
月入咸池暴兵起一曰天下亂人君死易政津梁
不通○五星犯入咸池有兵喪旱且大水道不通
貴人死以入日占國天子且以火爲敗失忠臣天

下亂易政人主惡之○天子且以火爲災○天
木星犯守咸池處南旱處北水○火星犯守咸池
天下大旱一曰地動山崩火入咸池行其中是謂
致師諸侯並起天下大亂○土星守咸池天下大
早有女子迷惑天子而爲亂者○金星入犯咸池
糴貴左右近臣有迷惑人主者一曰兵大起數十
萬人戰君死以入日占國一曰大臣爲亂易政令
○水星入犯守咸池天下大水兵起五穀大貴
客星入守咸池人君憂天下大水君死以入日占
國○流星出咸池兵起從星所之流星入咸池有
喪○蒼白氣入咸池水虫多死魚多死黑氣入咸
池大水黃白氣入咸池天子有喜出則有神魚見
赤氣入咸池大旱

天街

天街二星在昴畢間黃道所經陰陽之所分也主
國界街南爲華夏之國街北爲夷狄之國街北昴
以西也街南畢以東也天街中處爲日月五星出
入之道水官也星明則王道正暗則兵起

月行天街中天下寧百姓順月行不由天街王者
政令不行不出其年有兵○五星犯天街諸侯自
立爲王一曰大水○五星留止天街中兵起五星
犯守天街徘徊亂行主弱臣強道路隔絕天下不
通五星逆行天街中皆爲兵起

火星舍天街中有大赦犯守之政塞奸臣出上下
相疑四方隔絕無有通時國絕祀以入日占國火
星守天街狄兵起歲飢

客星犯天街有內賊○彗孛出天街諸侯並起天
子自將兵有內賊

天關

天關一星在五車南畢西北天門也主關塞在黃
道之中日月五星之所必由其星明大則天下平
星亡則大兵起芒角則天下有兵移徙與五車合
則國門盡閉大將被甲
月五星不由天關行有不朝之國有叛臣君命不
行一曰主失道臣謀君兵起月掩天關有亂臣更
天子之法主關津者有罪人主有憂○五星守天



關大臣有不道者有兵起貴人多死天下相疑有
關梁之令木星守天關大水大飢火星守天關多
盜賊道路不通弟攻兄臣攻君子攻父有不朝之
國不臣之臣兵起守二十日至四十日有大赦一
曰二月十日守之二十日至三十日必大赦不出
其年

火星出入天關置立關塞之事一曰有逆兵○火
星逆行天關車馬有急行兵大起士卒滿野期九
十日兵起東方天下兵悉起有大戰○土星行天
關中當去不去徘徊亂行光色甚怒天下隔絕○
土星守天關中當去不去王者壅蔽信使不達關
梁阻塞○金星入天關中萬人戰死太白徘徊亂
行天關中當去不去光色盛怒天下隔絕道路不
通太白提天關出入貴人多死萬物夭傷太白守
天關臣謀主大水守之二十日水兵大起有大赦
一曰大臣叛臣相驚道不通

客星入天關天下有急關閉塞人多病疾多盜賊
諸侯不相通民相攻子攻父弟伐兄臣伐君各去

其鄉其戰不勝出之天下兵起不戰守之天下不通牛馬大貴民飢有自賣者不出三年有德令○流星入抵天關天下多盜賊有急兵關梁不通大人憂○彗孛出天關兵大起道不通多盜賊○彗孛入犯守天關天下道絕人主憂○黃氣入天關四方來貢玉帛

天節

天節八星在附耳之南使臣之所持也主宣德威以行四方其星明則節使忠直天子令行不明則奉使失職不見則四方不奉王命○火金水守天節持節奸臣謀君使臣死早入犯天節狄王死使臣憂○彗孛犯天節主令不行

諸王

諸王六星在五車南潢中主藩屏王室又主朝會存亡其星明列正則諸侯奉法天下安寧不明則臣有叛者宗社傾危四方兵起○月犯諸王貴戚諸侯有憂○火金水犯守諸王宗戚受誅○火星入犯守諸王天下不信上王者憂○彗孛客星犯

諸王諸侯稱帝在南爲吳越楚在東爲齊在西爲秦晉在北爲燕趙

天高

天高四星在諸王南參旗西北近畢主齋戒之門
一曰天高爲望氣之臺主視祲其星不見則官失
其守陰陽不和移近井鉞則大臣誅不具則高爲
下下爲高

月乘犯天高外臣有誅者一曰將死○五星犯守
天高其君齋戒不謹水旱不時有赦

火星逆行天高中必有破軍死將亡國○火星守
天高有反者守右高反者勝守左高反者不勝○
太白入天高勾巳之國有大憂

客星入天高有奇令成勾巳有贖罪之令○客星
從天高陰出有兵有亡國從陽入有客兵入客星
守天高火神從天下妖祥自地出天子宮中驚火
○彗孛出天高廟臣反有改號若犯之赤地千里
○月暈天高不出半年必有大喪月暈天高三重
天下道絕○白氣出天高旱霜傷稼

九州殊口

九州九星在天節東主九州重譯殊方異俗主聚議一星不見一州有凶二星以上不見則天下亂以十一月候之○金火星守九州九州兵起○客星犯九州其民憂水若守之負海國不安兵起天下凶

參旗

參旗九星在參西一曰天弓一曰天旗金官也主弓弩之用以候變禦難星不欲其大明明大則有白衣會邊兵起微小而直則天下息兵明而曲如張弓則兵大起九星不具則天下爲兵而赦五星守參旗兵大起弓弩甲大將出行弓矢貴火犯之邊兵起天下亂民驚國憂守之三十日有亡國一曰下謀上○太白犯參旗九州騷動天下皆兵弓不下弦天下憂○客星入參旗天下有變弓弩皆張客星出入天弓有削主客星出參旗天下兵起大將出人主憂客星守參旗負海國不安兵起○使星出天弓匈奴兵起

管輅車馬 卷之四十一
流星入參旗兵大起弓弩貴若出之將軍出○彗
孛出參旗有流血暴骨將軍死天下亂弓矢大貴
赤氣出參旗其年西戎來欲盜中國若侵地不出
三年天下煩擾百姓多憂青氣出入占同

九旂

九旂九星在玉井西南天子之旗也一日天旗一
曰司曲主司五星之過主統九州主軍進退其星
明靜則九州之牧得人微暗則小人臨州光芒盛
大或動搖則兵起○熒惑守九旂日食星墜天下
大亂○太白犯九旂兵起○客星守九旂諸侯兵
起禽獸多死○彗孛出九旂大亂兵起

天園

天園十三星起天苑之南屈曲而橫列植菓菜之
所也其星中小勾曲而明則菓實成牛馬皆吉不
見則反是○白氣出天園兵起

附耳

附耳一星在畢下主聽得失伺僭邪察不祥星盛
則中國安徽有盜賊邊境驚外國反移動則佞諛

行○月五星犯附耳皆為兵起將相有憂不則退
黜○客星守附耳兵飢多訟獄○蒼白氣入附耳
將憂赤氣入附耳內兵起黃白氣入附耳無兵兵
起黑氣入附耳將死黃白氣出附耳拜將赤氣出
附耳將出

管窺輯要卷之四十二

管窺輯要卷之四十二

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴


桐城方繼孫子詒全閱

觜宿論

觜三星白獸之體也為行軍之藏府司怪四星主候變怪座旗九星主別尊卑星明則國有禮

觜宿說

觜三星宋志距西南星去極八十二度半黃赤道皆止五分西域歷空分在參之右角如鼎足形其上八尺七曜之中道也主天之關明大則天下安五穀熟移動則君臣失位天下旱史記云三星隅置曰觜觶為虎首乃三軍之候行軍之藏府主葆



管子卷之四十二
旅事收斂萬物明則軍儲盈將勢得動而變色則盜賊羣行大兵起動移則將有逐者張衡云葆旅野生之可食者晉灼曰葆菜也野生曰旅今之飢民采旅生也如淳曰關中俗謂桑榆蘗生爲葆宋均云葆守也旅猶軍旅也言佐參伐以斬除凶也金火守國易政兵起日食臣不忠月食君害辰五星犯災生孛及客星犯兵起彗見不五載梁有破國亂軍金木合爲白衣會軍之座旗九星一作坐旗在司怪西北大將之旌主別尊卑之序亦君臣設位之表也明則君臣有禮暗則上下無章

司怪四星在井鉞之後主候天地日月星辰禽獸草木之變軍中望氣司卜者也與天高同占不見則官失守陰陽不和

觜宿主行軍葆旅度初度五分內八尺爲黃道初畢七度外末井九度內於辰爲申於分爲晉於野爲益州賦觜鑄參伐實沈晉益自龍門以東西太行已西當雲中之南而洛邑之北正月在參昏中

西八月爲旦中四月爲太陽躔次

觜宿歌

三星相近作參蓋觜上座旗直指天尊卑之位九相連司怪曲立座旗邊四鳥太近并鉞前

觜宿考

座旗九星在司怪西北主別尊卑君臣之位○司怪四星在并鉞前主候天地日月星辰草木禽獸之變

觜三星爲虎首爲三軍之候行軍之藏府主葆旅

收藏刀斧斬殺之事明則軍儲盈將得勢動而明盜賊羣行金火守國易政日食臣不忠月食君殺臣五星秋災生彗孛客犯兵起月令仲秋旦觜觶

中

座旗九星在觜東北主別君臣尊卑之位明則上下有禮經曰司座肅穆以昭禮司怪四星在觜西北候天地日月星辰禽獸蟲蛇草木之變經曰司怪幽求而發冥觜三星一度一云三度距參左足距八十三度太

在黃觜四星去極道外十二度金星也春夏爲水
秋冬爲土爲三軍之斥堠軍之藏府也葆旅收斂
萬物軍儲盈將得勢則星明不明軍乏食不可出
軍征伐觜又爲白虎頭謂居參前故爲頭也日蝕
井觜中臣下謀君○月蝕參中有臣子被枉死○
木守之人飢守三十日以上主將兵在道五穀傷
米貴久守人飢丁壯暴死○火守之百物不生天
下東方吉守三十日有賜爵祿封王土守之其分
野凶地○金守之國易政兵起臣下謀反水守之

天下火災兵起○客守之臣下有謀君國者○客
星入之果貴百倍○彗孛行犯之國中兵起臣子
移動不過一年○流星色青觜中北流交文而滅
爲庫藏一日官士亂又月犯之小將凶○月暈觜
女主多死

觜宿總叙

觜三星曰觶白虎之首也爲一軍之候行軍之藏
府金星也主葆旅收斂萬物亦爲刀鉞剗刈之事
一曰天貨主葆貨其北上三尺爲日月五星中道

內主梁外主巳漢星明天下安五穀熟軍有儲將
得勢不則不可出師動則葆旅事起天下旱君臣
失位明而動搖則天下盜賊羣行移徙則將有逐
者而近參左肩則臣謀君近右肩則大臣伐主若
有大命

日月變異占

日在觜食有爲臣逆一曰大將謀議一曰戒在將
兵之臣一曰夷狄兵起將戮○日暈觜陰國弱一
曰夷狄國多疾疫一曰臣有大災且旱○日暈三

重其下五穀登人疫五重有大赦不出六十日

月在觜食早有臣被枉殺者一曰貴臣大將有憂
一曰主兵之當黜一曰刑罰濫○月暈於觜女主
多死郝萌曰有德令荊州占曰大赦河圖帝覽曰
大將死道上多死人弓弩貴一曰其分有叛者一
曰貴人多兵死○月宿觜有變將相有憂殃一曰
有刑罰之事

月五星干犯占

月犯觜將有叛者一曰小戰吏多死道路亦有叛

者一曰兵大起有赦荆州占曰其分民災
歲星守觜人飢守之三日主自將兵在五穀傷米
貴久守之丁壯暴死石氏曰民疾疫國有反者又
曰西方兵動侵地欲爭爲君荆州占曰多妖大臣
亾一曰民病癘乙巳占曰木守觜君臣和又曰不
出一旬必有覘候之事天子憂期甲辰日○木犯
觜海中占曰有具侯之事民不得耕君后俱忌之
一曰五穀不成國大飢天下災疫石氏曰國兵起
天下動移一曰天下多盜○木入觜郗萌曰五穀

忽貴忽賤歲一早一水天守不和多盜賊○木出
入畱舍觜六十日不下豆半傷九十日不下侯王
建功二百日不下客軍入敗一曰山林空○木行
之觜兵器大貴○木逆行觜人君誅罰不當○木
來舍觜有白衣之會
熒惑守觜一物不成天下亂守之三十日有賜爵
祿之事黃帝占曰將軍反入之兵破牛馬有急行
一曰國有喪米貴文耀鈞曰功臣逐石氏曰西戎
兵起巫咸曰旱五穀不成天子不可舉又曰當有

石墜以日占何國一曰法律壞小民多傷一曰國
易政多不孝父子相奪兵器貴六畜疫山林空荆
州占曰誅罰不行一曰多火災○火犯觜其分兵
起天下動移黃帝占曰野有反鈇鉞用巫咸曰大
旱多水災米貴○火入觜萬物不生其下有兵巫
咸曰伺其出日而數之期三十日兵發又以始入
日數之率一日期十日兵期罷○火出觜間甘氏
曰天下亂出其東方天失西大得南北同之一曰
出東西方吉東方凶○火行之觜大臣有憂○火

與觜合光石氏曰趙相死一曰其地守臣憂○火
出入畱舍觜天子自將兵○火犯觜而守之六十
日不去國有大喪大臣誅五穀大貴兵大起
鎮星守觜其野亾地石氏曰國有叛者巫咸曰有
兵水災萬物不成民去其國不房其室一曰西方
客動侵地君王崇禮制儀則庶可以滅咎乙巳占
曰土守觜守出之者國亾地所入之宿國得地○
土犯觜兵起天子不安其言黃帝占曰國有土工
事石氏曰天下動移郗萌曰人民叛亾○土入觜

其國兵起天子國中有兵○土逆行女主自恣
太白守觜甘氏曰天下安寧巫咸曰其分守臣叛
萬物不成人疫石氏曰有急令西方有客兵來爭
國黃帝占曰下臣謀上國易政兵起鈇鉞用大臣
當之期九十日乙巳占曰當寒反溫當溫反寒陰
陽交錯風雨失節四方兵動又曰天下兵起民人
相謀一曰不出三十日大將反天子軍破牛馬有
急行○金犯觜甘氏曰其國大臣爲亂兵鈇鉞用
一曰萬物不成天下兵起○金入觜一曰大臣亂

大人當之國易政○金出入畱舍觜兵起有戰貴
人憂其下有山崩地裂大人當之○金與觜在其
陽爲風在其陰爲水一曰有德令

辰星入觜甘氏曰子歸其母君臣和同巫咸曰水
入觜中伺其出日而數之期二十日兵發又以其
始入之日率一日期十日兵罷○水守觜巫咸曰
旱萬物不成多大災大人憂不出百日天下飢鄰
萌曰天子不可動衆行師一曰其地大飢石氏曰
其下水災趙國尤甚有反臣不出百日兵起先動

者敗○水犯觜不可動衆行師有水災兵起大飢
有反天下亂

客星流星彗孛干犯占不出百日天下地陷
客星犯觜其分破亾○客星出觜內臣與外交通
謀其主星明而行則事覺不成星不明則不行事
覺成期一月石氏曰客星出觜魏有良臣在西國
西南二千里荆州占曰客星出觜色青爲憂赤爲
兵白爲喪黑爲水黃爲土工黃白爲吉○客星守
觜西域有欲爲王而侵土者黃帝占曰下臣謀君

巫咸曰有大喪又曰有水災人多餓死期不出三
年○黑星守觜穀貴○客星入觜黃帝占曰西戎
侵邊軍馬急行郗萌曰有火喪功臣爲逆一日有
葆旅之事於國內荆州占曰客星入觜青色憂赤
爲兵喪黃白吉黑爲水災穀大貴黃帝占曰赤入
黑入二星入觜內外臣合謀爲逆其星行動則覺
不動則事成期一月
流星入觜中有反臣大兵聚其下車馬急行人主
憂期百八十日遠一年出之則兵罷乙巳占曰流

星入觜口中者天子使也外宿中來者外使也三十丈至百丈將軍使也十丈至二十丈小使也視其所起之處吉皆不出一年○流星出觜有葆旅之事於外國○流星犯觜國兵敗一日軍政欲行斬殺事春夏多雨秋冬犯大風雨民人多病彗孛出觜大臣出戰米大貴天子多殺事有失地王有破國期三年遠五年一日彗見觜人流亾有破國亂軍伏死其事○彗孛犯觜國兵起天下動擾期一年遠三年一日有破軍易位

雲氣干犯占

蒼白雲氣入觜天子有葆旅之事出之則禍除○赤雲氣入觜兵起○赤氣揚波入觜中兵入國火隨之出○黃白雲氣入觜潤澤有神寶入一日有負寶玉來獻天子者○白氣入觜民葆旅○白氣出觜大人憂邊將戮趙地有災出之禍除○黃氣出觜國兵隨之出入觜國兵入

觜宿去極度數考

按觜宿本位居申次晉魏之分凡一度在參之兩

肩如鼎足形五月旦在卯六月旦在辰七月旦在巳八月旦在午九月旦在未十月旦在申十一月旦在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉

觜三星一度距西南去極八十二度半入觜初度一曰觜觶正義云觜觶如虎首尖且銳言如角尖銳在參右角如鼎足形爲三軍候三軍中軍前軍後軍行軍藏府主葆旅收斂萬物張衡云葆旅野

生菜之可食者晉灼曰葆菜也野生曰旅遇飢之民常採取生食觜佐參伐以斬刈除凶

占曰觜上三尺爲日月五星中道星明天下安五穀熟軍有儲餉將有紀律不見不可出師動搖兵起君臣失位芒角天下盜賊羣行移徙則將有逐者近參左肩臣謀君近參右肩臣弑主金火守國易政日食於觜君無道月食於觜臣不忠彗守守人君虐殺不辜興無名之師天下亂

座旗九黑星距南去極六十一度入參八度在司

惟西北主別君臣尊卑易繫詞云天尊地卑乾坤定矣卑高以成貴賤位矣

占曰座旗居常尊卑有序不見上下僭亂

司惟四黑星距南去極七十一度入參六度半在座旗邊主天地日月星辰禽獸草木之變惟玉曆通政經云天以輕清爲德或色變昏黑或赤如屠血或慘慘昏濛或久陰不雨此天變也日乃太陽之精人君之象顯麗中天以光明無所不照有變色薄蝕背珥暈玦此日變也月爲太陰之精以配

日女主之象諸侯大臣之位亦有晦明薄蝕背珥暈玦陵犯掩食此月變也金星應於秋令主言主義司刑殺其光芒盛餘星故曰太白血乎上公爲大司馬大司寇火星應於夏令主法主禮主乎司馬執法鴻臚火處心爲神神應無方其體不測故名曰熒惑土星應於夏季季夏主信主思土德方而靜靜而不動故名曰鎮星木星應於春令主仁主怒化生萬物如太歲之生成故名曰歲星水星應於冬令主智謀以天一生水爲五緯之先其體

合散無方無定如龍之變故名曰辰星若五星色變或陵犯列宿及諸雜座及列宿及雜座星變或疎折就聚或生光芒此星變也又禊占云鴉集鳴飛蟠於宮室殿堂或喜鵲羣鳴於政事廟庭或馬生角或牛一身二足或魚失水在陸或蝗蟲生發或蛇鼠相鬪此禽獸變也昆蟲變也枯木生花或伐木見血死樹自立或大旱不種穠生禾麥此草木變也又曰主伺災變而候祥異禎祥異恠異也

占曰司恠失常則昆蟲草木爲妖彗孛守則妖孽橫行中外國將亾○漱清考中庸云國家將興必有禎祥國家將亾必有妖孽此之謂也

觜宿雜座


座旗

座旗九星在司恠西北主別君臣尊卑之位其星明正則國有禮暗則反是

司恠

司恠四星在井鉞前主候天地日月星辰山川草

木龍蛇之變星不具則宮中有恠天下多恠物○
慧孛出司恠多妖祥僻偽起諸侯大臣伐主○客
星出司恠天下多妖



木龍蛇因寒燥必出
慧孛因寒燥必出
慧孛出司恠多妖祥僻偽起諸侯大臣伐主○客
星出司恠天下多妖

